

SAUNOAGA MAI LE MINISITA

O le a taoto ia faalaau mamafa o outou paia ma mamalu aua e lē gafatia taulimaina e se faamatalaga ae nuunu atu faatini o tausala. Tulou, Tulou, Tulouna lava!

Ua loa ona silafia o le maopoopo ma mautu o soo se faatinoga mo le sailiga o le amiotonu, o le faavae lea o se faiga malo faatemokalasi manuia. O le mafuaaga lea o le una'iina o faalapotopotoga mo le atinaeina o mataupu mo tulafono ma le sailia o le amiotonu, auā o se fesoasoani tele lea mo le saogalemu o tagata lautele ae lē gata i lea, ia tuuina atu tali talafeagai ma tatau i vevesi e alia'e mai.



O le finagalo lea o le Malō o Samoa, e auala atu i le Lala Ma'oti mo Tulafono ma le Amiotonu ina ia tapena lo tatou atunuu ma le fuafua tatau agai i le faatinoina o le amiotonu ma le mulimulitai i tulafono. O le manulauti lea o le faamoemoega a le Malō ua faataoto mo le Lala Ma'oti mo le Tulafono ma le Amiotonu:

1. Ia mautinoa le saogalemu o afioaga ma alalafaga e ala atu i pui puiga mai soligatulafono ae faapea foi le puleaina lelei o fuafuaga mo le atinaeina;
2. Ia siitia avanoa agai i le sailiga o le amiotonu e auala atu i faamasinoga tonu ma tali mana'o, ma;
3. Faamautuina o pulega lelei mo a tatou faatinoga mo le amiotonu.

O le Matagaluega o Faamasinoga ma le Faafoeina o Mataupu Tau Faamasinoga i le avea ai ma maatulimanu aemaise o le taulamua i galuega a le Lala Ma'oti mo le Tulafono ma le Amiotonu; o loo tauaveina moomooga mo le faamalosiā ma le faafaileleina o auala agai i le amiotonu mo Samoa. E tusa ai ma lea tulaga ou te faailoa atu ai ma le agaga faagaetia leni Fuafuaga Autasi 2016 – 2020 mo le Matagaluega o Faamasinoga ma le Faafoeina o Mataupu Tau Faamasinoga.

O leni Fuafuaga Autasi e faamautuina ai fuafuaga mamao mo le atinae ua faatulaga e le Matagaluega ina ia maua le **“Ia lelei ma maua Avanoa mo Tagata uma i le faatinoina o le Amiotonu.”** O le taotoga lea o fuafuaga alu mamao a le Matagaluega faatasi ai ma le sootaga manino agai i le Taiāla mo le Atinae o Samoa 2016 – 2020 faapea foi manulauti o loo tuliloaina e le Lala Ma'oti mo le Tulafono ma le Amiotonu i lana Fuafuaga Mamao mo le 2016 – 2020.

E ui i lea, o leni Fuafuaga Autasi o le a tumau ai na o se fuafuaga, pe a aunoa ma le taitaiga manino a le Matagaluega faapea le tauivi ma le lagolagosua a le aufaigaluega. I lo'u tulaga faaminisita, ou te faailoa atu ai lo'u lagolagoina ma le loto atoa, aemaise o moomooga ina ia tau lau o leni faamoemoe. O loo iai lo'u talitonuga o le galulue soosootauau a le Matagaluega ma ana paaga uma o le a mafai ai ona ausia leni miti ma taunuu ai i fuafuaga lautele a le Malō ina ia *“Siitia le Soifuaga Manuia mo Tagata Uma.”*

E faailoa atu foi lo'u fiafia tele e talia ma tuuina atu leni Fuafuaga Autasi ma e momoli atu ai foi le faafetai faalēlava i a tatou paaga uma ma auuanaga eseese o loo tuuina mai le lagolago faifaipea ina ia tuliloaina pea se ***‘Samoa Saogalemu, Laugatasia ma Amiotonu’***

Ma le faaaloalo tele,

Afioga Fa'aolesa Katopau Ainuu

Minisita mo le Matagaluega o Faamasinoga ma le Faafoeina o Mataupu Tau Faamasinoga

FAASOLOGA O MATAUPU

SAUNOAGA MAI LE MINISITA.....	1
SAUNOAGA MAI I LE OFISA SILI O PULEGA.....	3
LA MATOU MATĀGALUEGA.....	4
<i>Faatomuaga:</i>	4
<i>O Tulafono o loo faatinoina:</i>	4
<i>Auaunaga Autu o loo ofoina atu:</i>	4
<i>O le faatulagaina o le Matagaluega</i>	5
<i>Faatulagaga o le Matagaluega</i>	6
<i>O lo matou Siosiomiaga</i>	7
O LE FAASINOALA O FUAFUAGA MAMAO.....	9
<i>Vaaiga Mamao</i>	9
<i>Manulauti</i>	9
<i>Uiga ma Aga Tausili a le Matagaluega</i>	9
<i>Taunuuga Mamao</i>	10
<i>O a Matou Sini Autu</i>	10
<i>Manulauti, Auala ma Faailoilo Autu i le faatinoina o le Fuafuaga Autasi</i>	14
FAATAAMILOSAGA O FUAFUAGA MA LE LIPOTIINA.....	23
MĀTĀ'ITUINA MA ILOILOGA	25

SAUNOAGA MAI I LE OFISA SILI O PULEGA

O le Matagaluega o Faamasinoga ma le Faafoeina o Tulaga Tau Faamasinoga o loo faiva esea i le tulaga tau auunaga. O loo magalua le tautua e ala i le tautuaina o le Faamasinoga o loo faauluulu i ai le Faamasino Sili, ae faapea foi le Pulega Faatonu lea o loo taitaia e le afoeina i le Palemia. O le tāua lea o le tapena lelei o fuafuaga mamao mo le atina'e ina ia mautinoa o loo mafai ona tali atu i manaomiaga faalemālō, o le atunuu lautele, o paaga totino aemaise foi manaomiaga mo le Matagaluega.



O le Fuafuaga Autasi 2016 – 2020 o loo tuuina mai ai le ala fua e limataitaiina ai tapenaga uma mo fuafuaga a le Matagaluega. O loo faataoto mai i le Fuafuaga Autasi lenei vaega uma o le a agai iai le Matagaluega ma ave iai lana faamamafa i le isi fa tausaga o le a savalia. O loo faamanino mai ai foi tapenaga a le Matagaluega i auala o le a tuuina atu ai le lagolago i fuafuaga faataoto a le mālō e auala atu i le Lala o le Tulafono ma le Amiotonu aemaise le tautua ina ia mautinoa le faatumauina o le tutoatasi o le Faamasinoga. O se fuafuaga o loo faamatalaina ai le sao a le Matagaluega i atinae o Samoa.

E lima (5) ni sini autu ua vaevaeina iai lenei Fuafuaga Autasi e aofia ai: **1 - “Faamalosia Taiala Faavae”, 2 – “Siitia avanoa mo auunaga i le faatinoina o le Amiotonu”, 3 – “Lagolago i auala e foia ai faiga faasolitulafono”, 4 – “Faaleleia le puleaina ma le faatinoga o galuega a le Matagaluega”, 5 – “Lagolago i le faatinoga o galuega toe fuatai mo le Faamasinoga o Fanua ma Suafa”**. O sini autu nei e lima o le a avea ma poutu e limataitaiina ai galuega faatino o le a ave iai le faatāua a’o faatino tiute i le taitaiga o le Lala o le Tulafono ma le Amiotonu.

I le faagasologa o lenei Fuafuaga Autasi, o le a faaauau pea ona fatu i luga o auunaga ua mautu mai faatinoga o tausaga ua alu faatasi ai ma le faamamafa i le toe lauliliuina o tulafono ma faiga faavae, faaleleia atili o auunaga ofoina atu, faamalosia avanoa agai i faamasinoga aloa’ia faalemālō faapea faamasinoga i alalafaga ma afoeina, aemaise ai le faamalosia o le Matagaluega i lona aotelega ina ia mafai ona tali atu i manaoga o tagata uma.

I lo’u tulai mai i le taitaiga o le Matagaluega, e iai lo’u talitonuga o le galulue punoua’i faatasi uma o tagata taitoatasi o lenei Matagaluega ma faiga paaga lelei ma le atunuu lautele, o le a faataunuuna ai la tatou Vaiga Mamao **“Ia lelei ma maua Avanoa mo Tagata uma i le faatinoina o le Amiotonu”**. Ou te talosaga atu ai i le aufaigaluega atoa, o paaga faale matagaluega, kamupani ma faalapopotoga tumaoti ma tatou uma mo lo tatou limalima faatasi i lenei faamoemoe.

Ma lo’u faaaloalo,

A handwritten signature in black ink, appearing to read 'John Teimalelagi Afelē'. The signature is written over a horizontal line.

Papālii John Teimalelagi Afelē
Ofisa Sili o Pulega

LA MATOU MATĀGALUEGA

Faatomuaga:

O le tasi o mitamitaga mo lenei Matagaluega o le maopoopoga o lana taitaiga, malosiaga faapulega ma le faatuatuaina o ona tagata e le gata i le aufaigaluega ae faapea ana paaga. O loo galulue soosootauau ma isi paaga o le Lala o le Tulafono ma le Amiotonu, ina ia siitia ma puipuia aiā tatau, ia faamalosi tulafono, unaia le saogalemu ma le filemu i afioaga ma alalafaga, ma ia puipuia le soifua lelei o tagatanuu o Samoa. O le fu'a taualuga, o la matou auaunaga ma le lagolago e ave i le Faamasinoga i le maualuga e gata mai ai. O tulafono nei o loo mausali ai le malosiaga o le Matagaluega e faatino ai ona tiute ma matafaioi i le auaunaga agai i le mamalu o le Faamasinoga faapea foi le Pulega Faatonu.

O Tulafono o loo faatinoaina:

O loo feagai le Matagaluega ma le faafoeina o Tulafono uma o loo lisiina atu i lalo.

No	Ulutala	No	Ulutala
1	Tulafono o isi Iuga a le Faamasinoga e fo'ia ai Feeseeseaiga 2007	24	Tulafono Teuteu o Faaiuga a le Faamasinoga 1970
2	Tulafono o Faiga e teuteuina ai se faaiuga 1976	25	Tulafono o le Faamasinoga o Fanua & Suafa 1981
3	Tulafono Tau le Pulea 1975	26	Tulafono Teuteu o le Faamasinoga o Fanua & Suafa 2012
4	Tulafono o Tagata e faia Felauaiga 1975	27	Tulafono o le Tausiga & Faamaoniga o Tama 1967
5	Tulafono o Komisi Su'esu'e 1964	28	Tulafono Toe Teuteu o le Tausiga ma le Faamaoniga o Tama 2010
6	Tulafono o le Faafoega o Iuga a le Faamasinoga i Nuu ma Afioaga 2008	29	Tulafono o Faaiipoipoga 1961
7	Tulafono o Alii e suesueina mafuaaga lilo o maliu 1959	30	Tulafono o Alii e molimauina Tusi faamaonia faale-tulafono 1974
8	Tulafono o Taualumaga Tau Solitulafono 1972	31	Tulafono o Tautoga ma Faamatalaga Tauto 1963
9	Tulafono o Faasilasilaga Aloa'ia tau Faamasinoga 1988	32	Tulafono o Faiga Faa-paaga 1975
10	Tulafono o Faiga Taufaaaleaga 1992/1993	33	Tulafono o Meatotino 1952
11	Tulafono Toe Teuteu o Faamasinoga Faa-itumalo 2016	34	Tulafono o uiga fetauia 'i tau le faamamaluina o faaiuga 1970
12	Tulafono o Tete'aga ma Mafuaaga o Tete'aga 1961	35	Tulafono o Komisi tau faiga faalilolilo 1975
13	Tulafono Toe Teuteu o Tete'aga ma Mafuaaga o Tete'aga 2010	36	Tulafono o Mavaega 1975
14	Tulafono o Faamatalaga Molimau a Tagata Solitulafono 1961	37	Tulafono o Tupulaga Talavou Solitulafono 2007
15	Tulafono e Aumai ai poo le tuueseina atu o tagata Solitulafono 1974	38	Tulafono Laiti o le Tulafono Faafoe (taualumaga) tau le Pulea 1980
16	Tulafono Tau le Pulea o Ata Tifaga 1978	39	Tulafono Laiti mo Faamasinoga Faa-Itumalo 1971
17	Tulafono Toe Teuteu tau le Pulea o Ata Tifaga 2010	40	Tulafono Laiti (Tualumaga masani) a le Faamasinoga Sili 1980
18	Tulafono Tau Lomiga le talafeagai (mataga) 1960	41	Tulafono Laiti a le Faamasinoga Sili (Totogi Fuapauina ma Tau) 1971
19	Tulafono o Tamaiti 1961	42	Tulafono Laiti o uiga fetau ai tau le faamamaluina o faaiuga 1971
20	Tulafono o le Faamasinoga Faava-o-malo 2007	43	Tulafono ole Faamasinoga o Aiga 2014
21	Tulafono o Sosaiete tau galuega ma aiaiga mo le lumanai manuia 1968	44	Tulafono o le Saogalemu o Aiga 2013
22	Tulafono o Tusi Samani o Faaiuga 1965	45	Tulafono o Faamasinoga Faaitumalo 1969
23	Tulafono o Faaiuga fai a le Faamasinoga 1961	46	Tulafono Toe Teuteu o le Faamasinoga Maualuga 2016

Auaunaga Autu o loo ofoina atu:

O tiute ma matafaioi a le Matagaluega e aofia ai:

- * Tuuina atu fautuaga aanoa tau faiga faavae i le Mālō e auala atu i le Minisita. O loo sufi foi e le Matagaluega finagalo o le atunuu lautele agai i le fausia o tulafono fou faatatau i auaunaga tau faamasinoga, ma faalauiloa agai i le atunuu naunautaiga o le Mālō i ana faiga faavae ma tulafono faataatitia;
- * Tuuina atu le lagolago i le Vasega o Alii ma Tamaitai o le Faamasinoga e ala i le puleaina lelei o faagasologa o mataupu agai i le faamasinoga, o le faatotogaina o manaomiaga tau tekonolosi faapea tagata faigaluega, faapea le faatupeina o aoaoga ma atina'e mo le faamasinoga.
- * Taulamua i le taitaiga ma tuuina atu fautuaga talafeagai mo le atina'ega o le Lala o le Tulafono ma le Amiotonu e ala i le puleaina o fuafuaga ma tupe faaalu ae faapea foi le tuuina atu o ripoti manaomia;
- * Tuuina atu le auaunaga e ala i le faamaumauina o mataupu uma e toai atu i le Faamasinoga, faasologa o tagi tau aitalafu i le Faamasinoga, o suesuega i mataupu togia, faatalanoaina o mataupu tau fanua faaleaganuu ma suafa matai;
- * Tuuina atu o le auaunaga tau pasiina o ata tifaga faapea le faalauiloaina o tiute ma le faamalosiga o tulafono;
- * Tuuina atu o fautuaga talafeagai i le Faamasinoga mo ana faaiuga e ala i ripoti faanofovaavaaia ma le mataituina o faasalaga mai i le Faamasinoga i afioaga ma alalafaga;
- * Faatinoina o soalaupulega mo mataupu tau tausiga o tinā ma fanau, faapea foi le fofogaina o nei mataupu i luma o le Faamasinoga ma le tulimata'i o avanoa mo le lelei o fanau ma le saogalemū o aiga;
- * Puleaina o le faasologa o mataupu mo le Faamasinoga o Fanua Faaleaganuu ma Suafa matai;
- * Faamalosiga o faaiuga a le Faamasinoga i soligatulafono ma le aoina o sala;
- * Ia faatino auaunaga lagolago e aofia ai le mataituina o mataupu tau i le aufaigaluega, manaomiaga faatekonolosi, tuulaupuaina o faamaumauga, malu puipuia o le maota faamasino, puleaina o poloketi, auaunaga tau tupe ma le tapenaina o fuafuaga ma tali atu nisi moomiaga.

O le faatulagaina o le Matagaluega


E iva ni vaega tetele ua vaevaeina ia auaunaga a le Matagaluega. E aofia ai:

1. Faiga Faavae ma Pasi Ata;
2. Faasaoga, Faamalosiga ma Tausiga;
3. Faamasinoga o Fanua ma Suafa Matai;
4. Faamasinoga o Soligatulafono ma Feeseeseaiga Lautele;
5. Ofisa i Tuasivi;
6. Soalaupule ma le Resitara o Matai;
7. Puleaina o Faamatalaga ma Resitalaga;
8. Lala o le Tulafono ma le Amiotonu;
9. Auaunaga Lautele (Vaega o Tupe, Auaunaga mo le Aufaigaluega, Fesootaiga faatekonolosi, Vaega e vaaia le maota)

I le faatinoga o lenei fuafuaga autasi, matou te talitonu o le faatulagaga o le Matagaluega ua faatu atu i lalo o le a tino mai. O le a mafai ona faagaioi uma tapenaga ua fuafuaina aemaise o manulauti ma sini autu o le a tuliloaina pe afai ae mafai ona atoatoa le auvaa po o le aufaigaluega ua faatulaga atu.

Faatulagana o le Matagaluega

O le faatulagana lea o loo iai le Matagaluega o Faamasinoga. E faamoemoe i le faaiuga o lenei Fuafuaga Autasi o le a iloilo ma faatino ai suiga e alagatatau mo le faatinoga o galuega ina ia ausia ai Sini Autu ua fuafuaina mo le Matagaluega



O lo matou Siosiomiaga

Ua tele lava suiga i le siosiomiaga o le Matagaluega pe a faatusa atu i le lima tausaga ua mavae. Ua maitauina ma le toto'a e le Matagaluega le lavelave o le siosiomiaga o loo faatino ai galuega ma o loo fetai'a'i ma le tele o luitau i le faigamalo o lenei vaitau. O le malamalama i ia tulaga ao tapena lenei Fuafuaga Autasi ua faaa'upegaina ai le Matagaluega i le 'oa o manatu ina ia atamai i le faatinoga o ona tiute ma ia mafai ona tali atu i luitau o le a fetai'a'i i le faatinoga o lenei Fuafuaga.

O luitau o loo mautinoa le tulai mai o le manaomiaga lea mo le tuuina atu o faaiuga amiotonu i se vaitau o le utiuti o le tamaoiga, o le faatupulaia o le manaomiaga mo faiga pulega lelei ma manino, o le manaomiaga mo Matagaluega ina ia tali atu i manaomiaga a tagata lautele, ia lalago faatasi tapenaga faa-matagaluega ma manulauti faataoto a le mālō, fetuleni mai o manaomiaga a mālō i fafo, le saoasaoa o suiga faatekonolosi, fesuaiga o aga faasolitulafono ma isi.

E lē tau faailoa o le a faaauau pea le galue o le Matagaluega agai i luitau o loo faasaga mai ina ia mautinoa le maua pea e tagatanuu o Samoa se soifuaga siitia maua luga.

➤ *Malosiaga*

- *Lelei ma mautu tapenaga o tulafono;*
- *Se aufaigaluega e tausisi ma tausinio ia lelei faatinoga o galuega mo le tuuina atu o le Amiotonu;*
- *Mautu le taitaiga ma le maua o auaunaga uma i se nofoaga e tasi.*

➤ *Vaivaiga*

- *Utiuti o tupe faamatuu mai mo le faatupeina o atina'e a le Matagaluega;*
- *Vaivai le faalauiloaina o auaunaga a le Matagaluega;*
- *Moomia le faafou o faiga faavae ma taiala mo le aufaigaluega;*
- *Utiuti avanoa mo le faalauteleina o tomai ma le silafia o le aufaigaluega;*
- *Vaivai le tapenaina o fuafuaga tau galuega, ma auala e mataituina ma iloiloaina ai;*
- *Mauualalo le tulaga i faiga faapaaga ma le atunuu lautele ma paaga totino;*
- *Utiuti le aufaigaluega e faatinoina galuega moomia ona o fesuaiga i tulafono ma tulafono fou faaofi mai.*

➤ *Avanoa mo le atina'e*

- *Faaleleia o fesootaiga faalegaluega ma faamautu faiga paaga ma le atunuu lautele, faalapotopotoga tumaoti ma pisinisi, isi paaga ma Matagaluega a le mālō ina ia galulue faatasi ma faasoa faatasi meafaigaluega, aoaoga, tupe ma isi auala mo le tuliloaina o manulauti;*
- *O atugaluga ina ia tuuina atu auaunaga e laugatasia ai tagata uma o le a mafai ona ausia i le faalauteleina o auaunaga tau tekonolosi, ma le siitia o faiga paaga lelei;*
- *Ia siitia le tulaga o auaunaga e auala i le sogasogā ma le filigā e saili ni suiga lelei;*
- *Malosi le una'i ma le lagolago i le iloiloaga o tulafono manaomia;*
- *Mautu ma maua'a le aganuu a Samoa e faaaoga le maopoopoga o faiganuu ma pulega faamatai e fesoasoani i tulaga tau Faamasinoga;*
- *Suiga i Tulafono ma le faalauteleina o auala faatekonolosi.*

➤ *Lu'itau*

- *Puleaina lelei o aafiaga mai fafo i soo se itu e tulai mai ai;*
- *Tulai mai o mala faalenatura e ono tolo ai tapenaga;*
- *Suiga i tulafono ae manaomia ai meafaigaluega ma tupe e tele mo le faagaioiina.*

O vaega nei e ono lepeti ai le faatinoga ma le faataunuaina o manulauti a le Matagaluega.

Vaega e ono lamatia ai	Vaifofo
Fesuaiga ma le feaveaiga o le aufaigaluega – o le fesuaiga o le aufaigaluega i totonu o vaega eseese ma le tuua o le galuega e tagata ua aiai le tomai i galuega faa-faamasinoga.	Unaia ma faamalasia o auala e taofiofi ai le aufaigaluega e pei o le faatinoina lea o faamanuiaga tau totogi e fua i luga o le faatinoga a le aufaigaluega Faamautinoa ia iai le tomai lautele ma le malamalamaaga i faiga favae ma taiala ua faamauina.
Naunautaiga ma Puleaina – leai o se naunautaiga i le aufaigaluega ma le le pulea lelei o galuega, e mafua ai ona faamaamulu paaga, ma le le lelei ai le taitaiga e unaia ai le faatinoga o manulauti a le Matagaluega.	Faaauau ona unaia le faataunuaina o ni faatalatalanoaga e faatatau i faagasologa o fuafuaga, ma lona faatinoga, e auai ai faatasi le aufaigaluega ma paaga. O le faamoemoe o la matou Fuafuaga Faataatitia o le a fesoasoani i le taitaiga ma le mataituina o galuega e feagai ai ma le Matagaeluga i asotaitasi.
Sui le Faamuamua ma le Faatulagana o Alamanuia – O le suiga o le faamuamua e mafai ai ona suia ma le faatulaganaina o alamanuia mo le faatinoina o le fuafuaga	E iai lava galuega e patino i le Matagaluega: o galuega e tatau ona faataunuaina, o galuega foi e mafai ona faataunuaina, ma galuega e manaomia le faataunuaina. Ae peitai i lenei vaitaimi o le utiuti o le faasoa, e tatau lava ona ave le faamuamua i galuega e manuia ai le faatinoga o manulauti a le Matagaluega. E ao foi ona tatou nofo malamalama e iai taimi e mafai ona sui ai le faamuamua, ma e ono suia ai polokalame ma galuega faatino.
Suiga e mafai ona tulai mai i le Taitaiga – E 3 tausaga le piriota faakonekarate mo Pule Sili o Pulega ma Pule Sili Lagolago. E iai le faaeteetega pea suia le taitaiga, aua e ono faalavelave ai i fuafuaga e tatau ona faataunuaina o le Fuafuaga Autasi.	Faamalasia ma faatulaga lelei fuafuaga mo le vaavaaiga (fuafuaga faaletausaga – AMP) ma manaomiaga o le paketi faaletausaga i taunuuga fuafuaina ma le sini autu o le Fuafuaga Autasi. O le tagata faigaluega faakonekarate e tatau lava ona galue i totonu o tausaga e 3 e pei ona faatulagaina.
Suiga e ono lepetia ai le Siosiomaga – Mala faalenatura, pepesi o faamai, aafiaga e ono faalavelaveina ai le nofo lelei.	Matua faamalasia tapenapenaga aua le tali atu i faalavelave faafuasei ma mala faalenatura. Faafou ma faia fatalatalanoaga o le National Disaster Preparedness Plan.

O LE FAASINOALA O FUAFUAGA MAMAO

O le faasino ala mo lenei Fuafuaga Autasi i le isi fa tausaga ua fausia mai i ni faatalanoaga na faatino, o suiga i lo tatou atunuu faapea foi i fafo atu i le lalolagi ma ona suiga i tala o le tupe, o taaviliga o mataupu e aafia ai le siosioniaga mo le sailia o le amiotonu, aemaise ai le faatumauina o le vaaiga taulai i le Lala o le Tulafono ma le Amiotonu, ae faapea foi le faigamālō atoa.

O le Fuafuaga Autasi mo Tausaga Faaletupe 2016-2020 o loo faataoto ai Sini autu, o manulauti ma galuega o le a faamamafa ai le silasila a le Ofisa Sili o Pulega ma le afaigaluega atoa ina ia faamautinoaina taunuuga i le isi 4 tausaga. O lea faasino ala e limataitaiina ai le Matagaluega i le faatinoina o ana galuega, o auala e tali atu ai ia Samoa ma ona manaoga tau Faamasinoga aemaise ai le tuuina atu o lana pitolaau mo le faatumauina o se Samoa Filemu ma Saogalemu. O lenei tusiga o le a ola pea ma e mafai ona fetuunai ina ia tali atu i lu'itau ma manaoga i le vaitau o le a faatinoina ai.

Vaaiga Mamao

'Ia maualuga ma lelei avanoa mo tagata uma i le faatinoina o le Amiotonu'

Manulauti

Ia tuuina atu se auaunaga e:

- S*** – Simple (**Faigofie**);
- A*** – Accessible (**Ausia gofie**);
- F*** – Fair (**Laugatasia mo tagata uma**);
- E*** – Efficient and Effective (**Vave ma Talafeagai**); and
- R*** – Responsive (**Tali Atu**)

Uiga ma Aga Tausili a le Matagaluega

O uiga nei ma aga taualoa o le a ave iai le faatāua ina ia mautinoa le affi i le faatinoga o galuega a le Matagaluega aemaise le tuliloaina o lana Vaaiga Mamao.

<i>Lē faaitū'au</i>	O le a matou galulue malosia ina ia tuuina atu le auaunaga e laugatasia ai tagata uma ae lē faailoga tagata. O le faamalosi o tulafono, o auaunaga o le a tuuina atu, o faaiuga matou te faia ma soo se faatinoga o le a tagatasi ina ia mautinoa e maua e le atunuu lautele faatinoga tutusa ma le amiotonu i lalo o aiaiga a le tulafono.
<i>Faamaoni</i>	O le a matou tausiniō ma tausisi i faatinoga aupito sili ona lelei, o amioga ma faataitaiga lelei, ma faatino auaunaga i le loto mamā ma le faamaoni ina ia mulimulita'i i taiala ma faiga faavae a le Matagaluega. O a matou gaioiga ma tāga e ao ona tauaveina i le fua maualuga o le amio lelei.
<i>Faaaloalo</i>	O le a matou tuuina atu soo se auaunaga ma soo se faatinoga ma le fuafuatatau ma le faaaloalo i soo se tagata ma le lē faaituau, faamaoni ma le alofa. O le a matou fefaaaloaloa'i foi i totonu o lenei Matagaluega.
<i>Avanoa Tutusa</i>	O faatinoga ma auaunaga a le Matagaluega o le a avanoa gofie ma talafeagai mo le ausia e tagata uma o Samoa.

Vave ma Talafeagai	O le a matou tauivi ma tausiniō e tuuina atu ni taunuuga lelei i le auala aupito vave ma faigofie.
Faamalosī'au	Matou te talitonu i le faamalosī'au i tagata faigaluega e ala i aoaoga, meafaigaluega, apoapoa'iga ma avanoa mo le atina'e ina ia mafai ona faia faaiuga talafeagai ma le mautinoa i ona taunuuga.
Sogasogā	O le a matou sogasogā e saili ni auala fou e sili atu lona lelei e auala atu ai a matou auauanaga. O le a matou faaaogaina auala faatekonolosi faaneionapo, ina ia saili ai ni tali aupito sili ona talafeagai.
Tali Talafeagai	Ia faamaoni i le tali atu e tusa ma mafuaaga o galuega ma ia talia soo se taunuuga o ia galuega.
Faiga Paaga	E lē mafai ona galue tutoatasi le Matagaluega e tuliloa uma ana manulauti. O le a taumafai e taofimau i paaga o lenei vaitau ma ia fatu ni mafutaga fou faapaaga ma nisi faalapotopotoga ina ia ausia ai miti, ma ia mafai ona tali atu i manaoga o le atunuu lautele. O le a faia auala uma e faamausalī ai ia mafutaga faapaaga.

Taunuuga Mamao

O le faamoemoe o le Matagaluega e ala i lana Fuafuaga Autasi, o le ave lea o lana faataua e galueina lona malosiaga ma meafaigaluega ina ia ausia ana taunuuga moomia e lua (2).

Taunuuga Moomia1 - Faigofie ona Maua avanoa i le Faamasinoga: e iai le faamoemoe o le faaiuga o lenei fuafuaga, ua mafai e le Matagaluega ona faamalieina manaoga o tagata taitoatasi ma faalapotopotoga e ala lea: maua avanoa i ala'oa, le faaituau le auauanaga, atoatoa le faatinoga o le amiotonu, e tele avanoa e saofaga ai le atunuu i auauanaga a le Faamasinoga ma maua vaifofo e soalaupule ai feeseaiga e tulai mai.

Taunuuga Moomia 2 – Faiga Faatulafono e Talitonuina: e iai le faamoemoe i le faaiuga o lenei fuafuaga, ua iai se sao a le Matagaluega i le faatumauina ma le faamalosiaina o tulafono ma auala mo le toe fuataina o faiga e faamalosiaina ai le faiga o faaiuga amiotonu i lona aotelega ina ia alaga tutusa ma le faamuamua a le Malo. E mafai ona atagia nei vaega pe afai e siitia le talitonuga, faamoemoga ma le amanaia o le auauanaga a le Faamasinoga ma le Matagaluega e le atunuu lautele, i ona tagata taitoatasi ma faalapotopotoga i totonu o Samoa ae faapea fafo atu.

O a Matou Sini Autu

E lima (5) Sini Autu o le a ave iai le faataua a lenei fuafuaga ma o le a tepa taulai iai faatinoga a vaega a le Matagaluega.

SiniAutu 1: FAAMALOSIA TAIALA FAAVAE

Faamatalaga: Soo se suiga e faaleleia ai le auala o fuafuaga e tataua ona malamalama lelei i le tulaga o loo iai le faatulagana, taitaiga, sini autu ma le kilivaina o auauanaga a le Matagaluega ina ia fesoasoani e siitia le faatinoga o galuega. O loo faailoa i lenei Sini le naunautagia o le Matagaluega e faaleleia auala e faatino ai galuega ma ia galulue faatasi ina ia ausia le vaaiga mamao ma le tauaveina o le vaaiga mamao a le Matagaluega. E iai le faataua i le atinaeina ma le faatinoina o faatulagana talafeagai mo le taitaiga ma

le puleaina o le Matagaluega, ina ia faamautinoa i paaga o loo atoatoa ma vave le faatinoga o galuega a le Matagaluega ma o loo faatino foi e tusa ai o le Tulafono.

O vaega matou te mananao e ausia ma auala e mafai ona ausia ai:

E manaomia e le Matagaluega le sa’o ma talafeagai o lana pulega lautele, faatino o fesootaiga, faatinoga o galuega faatino ma faatino ana matafaioi patino. O le a ave le faamuamua a le Matagaluega e unaia ana pulega e lea i le faalelei o ana tulafono, auala e faatonutonu ai, puleaina o tupe, faiga faavae aemaise ana auaunaga. O lea o le a matou toe asiasi i le matou faatulagana ma tulaga masani e pulea ai le Matagaluega, taiala faavae e mafai ona tali atu i le atunuu, taiala faavae e vaavaaia le faatinoga, taiala faavae o le faiga faavae ma fuafuaga, taiala faavae e mataitu ma iloiloga, taiala faavae o fesootaiga i le lotoifale ma vai i fafo. O auala nei e mafai ona faaleleia ai le faatinoga a le Matagaluega ina ia faamautinoa ai:

- ✓ naunautiga e atinae tagata, siitia le faatinoga o galuega a le aufaigaluega ma atiae galuega mo le lumanai;
- ✓ maualuga le tulaga o faigafaavae, taiala;
- ✓ lelei le vaavaaiga o luitau;
- ✓ lelei atu le puleaina ma le faasoasoina lelei o ala manuia;
- ✓ auaunaga e mafai ona talitonuina, faamoemoeina ma faalagolago iai tagata lautele;
- ✓ ave le faataua i taunuuga e patino i le faatinoga e ala lea i le faatauaina o galuega faatino e fua ai le taunuuga; ma
- ✓ faatumauina le maualuga o le tulaga o uiga faaletagata faigaluega, taitaiga ma tumau i ana faaiuga;
- ✓ o se matagaluega e mafai ona faamoemoeina i le lelei o ana taitaiga e fuafua ai se alafua e unaia ma atinae ai tagata;
- ✓ fuafua ma faatino sini autu ma fuafuaga a le faamasinoga e mafai ona ave ai le faataua i taunuuga moomia, maua faamaoniga ma mafai ona galulue agai e ausia se faamoemoe e tasi.

SINI AUTU 2: SIITIA AVANOA MO AUAUNAGA I LE FAATINOGA O LE AMIOTONU

Faamatalaga: o le maua o avanoa i le Faamasinoga o le saofaga lea o tagata i avanoa aloaia pe e le aloaia foi e saili ai ni vaifofo i a latou faitioga e faataua i le le tausisia o aia tatau faaletagata. E tele vaega e aafia i le faamasinoga aemaise i latou o lo o fitoitonu ai le auauna a le faamasinoga i totonu lava o Samoa. Ae peitai, o lo o faamanino atu i le Sini Autu le naunautiga, ia faamama avega le Matagaluega e le gata i le maua gofie o avanoa ae ia taugofie, ma lelei le faalauiloaina o ana auaunaga mo tagata aemaise vaega ua saisaitia i le faamasinoga.

O vaega matou te naunau e ausia ma auala e mafai ona ausia ai:

O loo taumafai le Matagaluega ia o tutusa le faatinoga o ana galuega e ala lea i le ave o lana faamuamua e le gata i le faatinoina o gluega a le faamasinoga, ae ia tele avanoa e saofaga ai tagata i le faamasinoga. O lenei sini autu e patino lana taulai i le mamauina ma le faatinoina o taiala eseese ina ia atagia ai lenei faamoemoe. I lona aotelega, o auaunaga ma avanoa faatekonolosi e mafai ona faaaoga lautele e siitia ai le lelei ma talafeaga o matou auaunaga, siitia le faamalieina o tagata lautele i le auanaga a le faamasinoga ma galuega a le Matagaluega, ao loo faatumauina pea le fai mea tonu ma talitonuina auala a le faamasinoga.

O le a matou:

- ✓ fai auala faatelelise mo le faamasinoga e faafaigofie ai ma tagatasi ai faasologa o faamasinoga ma faaititiitia ai le faaaogaina o faamatalaga tusitusia i luga o pepa;
- ✓ faalatele le faaaogaina o masini ala leo ma ala ata (audio-visual) i totonu o faamasinoga;
- ✓ faaleleia auala e faagasolo ai mataupu i le faamasinoga e faaititiitia ai aafiaga o tagata taitoatasi o loo aafia i se mataupu aemaise ia faaititiitiaai nisi tau faaopoopo;
- ✓ faaleleia auala o fesootaiga i le va o le Matagaluega ma tagata o loo faaaogaina le auunaga e ala lea i le faatulagaina o se polokalame faalauiloa;
- ✓ faaleleia auala o fesootaiga i le va o ofisa autu ma le ofisa i Tuasivi;
- ✓ faamautu auala o faamaumauga o mataupu ina ia mafai ona faamaumau ai le fegasoloai ma le feaveaiina o mataupu na toai mai ma faatautaia e le Matagaluega

O nisi ia o vaifofo e mafai ona lagolag oai i auunaga a le faamasinoga o loo mafai ona saofaga, taugofie, tutoatasi ma talafeagai mo le atunuu. O le a taumafai foi le Matagaluega e faaauau le lagolagosua i le faalateleina o auunaga faapitoa mo le faamasinoga, siitia mauuluga le galulue faatasi e ala i le lelei ona faatino polokalame faalauiloa ia Samoa atoa, aemaise ia mafai ona vave ma sao le tali atu i moomiaga a le atunuu.

SINI AUTU 3: LAGOLAGO I AUALA E FOIA AI FAIGA FAASOLITULAFONO

Faamatalaga: O leni sini autu o loo faamatala ai le naunautiga a le Matagaluega e faaititiitia le toe aafia o le tagata i le soligatulafono o loo iai soligatulafono muamua i le faamasinoga, ma faaititiitia le manaoga mo le faamasinoga ina ia tuuititiitia tagata ma mataupu e agai mai i le Faamasinoga.

O vaega matou te naunau e ausia ma auala e mafai ona ausia ai:

O le foia o solitulafono o le sini autu patino lautele lea mo vaega o le Lala o Tulafono ma le Amiotonu o loo faailoa i totonu o le Faiga Faavae e Foia ai i Soligatulafono (National Crime Prevention Policy) lea o loo faatautaia e le Lala o Tulafono ma le Amiotonu faatasi ai ma le lagolagosua a le Matagaluega e taumafai lea suiga. Matou te naunau e siitia le galulue faatasi ma fefaasoai alamanuia, tomai faapitoa ma agavaa ma matou paaga i auala ma polokalame e mafai ona faamalosia atili ai auala ma vaifofo o loo iai aua le foia o soligatulafono. O fuafaataatau ia mo le foia o soligatulafono e avea ma pine faamau o le naunautiga o le Matagaluega e faamautinoa ai o loo avanoa tutusa tagata Samoa i auala e maua ai le saogalemu ma atoatoa le fiala ma ola lelei e aunoa ma le saisaitia i le tulafono.

SINI AUTU 4: FAALELEIA LE PULEAINA MA LE FAATINOGA O GALUEGA A LE MATAGALUEGA

Faamatalaga: O le faataua o leni sini autu o le faaleleia lea o le faatinoga o galuega a le Matagaluega i lona aotelega e ala lea i le fuaina o: le faaaogaina o le tupe, fuafuaga mamao, faatulagana i le lotoifale, usitaia ma faatinoina o auunaga patino mo le atunuu lautele, manulauti, o uiga ma aga tauoloa a le Matagaluega aemaise o ana faailoilo autu o galuega o loo i totonu o le Fuafuaga Autasi. O le a matou faatautaia iloiloga ma mataitu le tulaga o le a iai le faatinoga a le Matagaluega agai i taunuuga moomia. O le a ave le faamamafa i galuega faatino i galuega e gafatia e le Matagaluega ma ia taumafai e malamalama le Matagaluega ma tagata o loo faaaogaina le auunaga a le Matagaluega, e tataua ona faatino auala e faamuamua ai taunuuga moomia.

O vaega matou te naunau e ausia ma auala e mafai ona ausia ai

E mafai ona siitia le puleina ma le faatinoga o galuega a le Matagaluega pe afai ae tapue mai nisi auala faapulega. Ia manino le faamoemoe ma auala e faatino ai galuega ma ave le faataua e faalelei o tomiai e faatulaga ai fuafuaga faataatitia e tataua ona ave ai le faamuamua ma fesootai atu lo latou taua i vaega o le Matagaluega faapea i latou o loo faaoga le auunaga a le Matagaluega. O le a ave foi le matou faamuamua i le aufaigaluega, ia atiae le tomiai ma agavaa ma lagolagosua ia latou manaoga. O le vaega e pito sili ona taua, o le taumafai lea e atagia le taunuuga o faatinoga i totonu o vaega o loo ave iai le faataua poo sini autu.

SINI AUTU 5: LAGOLAGO I LE FAATINOGA O GALUEGA TOE FUATAI MO LE FAAMASINOGA O FANUA MA SUAFA

Faamatalaga: E ese mai lava le Matagaluega o Faamasinoga mai isi Matagaluega a le Malo ona o lana auunaga i le tele o faalapotopotoga aemaise le vaega o loo patino iai le auunaga. O loo matua atagia i le galuega a le Faamasinoga o Fanua ma Suafa lea vaega. O le tele o mataupu o lo o taulimaina e le Matagaluega o Faamasinoga e fesootai ma faaaua mai i le Faamasinoga o Fanua ma Suafa.

O loo faagasolo galuega a le Komisi Suesue mo le iloilo ma auiliiliina o galuega a le Faamasinoga o Fanua ma Suafa. O le faamoemoe, o le taunuuga o le lipoti o le Komisi Suesue o le a avea lea e fai ma taiala e toe fuatai ai galuega e faatino i le Faamasinoga o Fanua ma Suafa. O lea la, o le a faatino le toe fuataina o vaega o Fanua ma Suafa i le olaga ato o leni fuafuaga ina ia faaleleia/faamalosi ai le auunaga faaamasinoga ina ia alaga tutusa ma le faataua faaleatunuu ma ia mautinoa ai le o loo mafai ona tali le atu le Malo i manaomiaga a le atunuu.

O vaega matou te naunau e ausia ma auala e mafai ona ausia ai.

E uiga ese auala a Samoa e foia ai faafitauli i mataupu tau fanua ma suafa, e fausia mai i le malosiaga o ana Tu ma Aganuu ma o loo taumafai foi ina ia o tutusa ma suiga o iai. O le uiga tonu lea o leni Sini autu, e faamautinoa e ave le lagolagosua ma faatino poo a lava ni auala e atinae ai le faaleleia ma ausiaina o le faataotoga faaleaganuu i le Faamasinoga o Fanua ma Suafa.

O le uiga o le manuia i leni fuafuaga Autasi o le a matou:

- Faaititia faitioga e faasaga i le Matagaluega;
- Siitia le faamalieina o le Faamasinoga i galuega lagolago o loo faatino e le Matagaluega;
- Malosi ma manino faiga faapulega o lo o faaoga e lagolagoina le faatinoga o key performance targets a le Matagaluega;
- Ia faatuputupulaia le malamalama o le atunuu i galuega a le Matagaluega e ala i le lelei ona faatino o polokalame faalauiloa;
- Faaititia le toe solitulafono mai o e o loo faanofavaaia ma palola;
- Se aufaigaluega e iai le tomiai ma agavaa ma lavatia i le faatinoga o galuega;
- Amata ona faatino Toefuatina o galuega a le Faamasinoga o Fanua ma Suafa;
- Faatulaga ma lagolagoina le electronic System a le Faamasinoga;
- Faalelei le fesootaiga i le va o le Matagaluega ma Pa'aga masani;
- Ia faamalosi le usitaia e le aufaigaluega faiga faavae ma taiala a le Matagaluega;
- Siitia pulega o auunaga mo le Faamasinoga;
- Siitia le saofaga i avanoa i auunaga a le Faamasinoga;
- Ia siitia le faatuatua a tagata ma le talitonuga a le faalapotopotoga i le galuega a le Matagaluega.

Manulauti, Auala ma Faailoilo Autu i le faatinoina o le Fuafuaga Autasi

O loo tuuina atu i lalo le auivi o loo faailoa atu ai manulauti, o sini autū, o faailoilo o galuega faatino o le a taiala ai le faatinoga o le fuafuaga autasi ua faataoto. O galuega nei o le a tauaveina i le vaitau e faataavale ai lenei fuafuaga. O le naunataiga ina ia mautinoa o auunaga o le a tuuina atu e ausia gofie, laugatasia mo tagata uma, tali manao, ma ia faatuatuaaina le puleaina o faatinoga mo le sailiga o le amiotonu.

SINI AUTU 1: FAAMALOSIA TAIALA FAAVAE

TAIALA	GALUEGA FAATINO	FAAILOILO O TAUNUUGA	AUFAIGALUEGA
1.1. Iloilo, fausia, faatino, Iloilo ma faamalosi faiga faavae mo le Matagaluega	<p>1.1.1. Fausia, ma faatino se taiala mo le tapenaina o Faiga Faavae talafeagai ma moomiaga f.t Faiga Faavae mo vaega o tupe.</p> <p>1.1.2. Faatino se iloiloga ma faamautū le Faaso Kit</p> <p>1.1.3. Iloilo ma toe poupou le Faiga faavae mo le fausina o Faiga Faavae o loo iai i le taimi nei mo le siitia o tapenaga.</p>	<ul style="list-style-type: none"> • Ua faafouina ma faaleleia taiala ma faiga faavae tuai a le Matagaluega. 	Vaega o Faiga Faavae
1.2. Faamalosi taitaiga ma pulega lelei	<p>1.2.1. Faaleleia fesootaiga ma le aufaigaluega ina ia siitia ai le silafia, faatuatuaaina, ma se auunaga e tausili i amioga lelei.</p> <p>1.2.2. Fausia se taiala o fesootaiga e lelei ai le fesootaiga i le va o le aufaigaluega ma paaga masani.</p>	<ul style="list-style-type: none"> • Maualuga le tulaga o le silafia ma mulimulitaia e le aufaigaluega o Faiga Faavae • Siitia le silafia o le aufaigaluega i suiga ma fuafuaga mamao a le Matagaluega 	Vaega uma
1.3. Iloilo ma Faafouina Tulafono tuai	<p>1.3.1. Filifilia tulafono talafeagai ua maitauina le manaomia o suiga ma amata le faatinoina o iloiloga faatasi ma paaga talafeagai f.t: Iloilo le Tulafono mo le pasiaina o Ata Tifaga ina ia faamautu matafaioi patino i le auunaga;</p>	<ul style="list-style-type: none"> • Mae'a le iloiloga o Tulafono 	Loia a le Matagaluega

	- Iloilo tulafono mo le Faamasinoga o Fanua ma Suafa		
1.4. Fausia ma faatino se auala e faamauamau ai faitioga ma talanoaina	<p>1.4.1. Faatino suesuega i auala o loo faamauina ai faitioga mo le filifilia o se auala talafeagai</p> <p>1.4.2. Faatino faatalanoaga ma tapena le lomiga faataitai mo le taiala</p> <p>1.4.3. Faamautū le taiala</p> <p>1.4.4. Faatino faalauiloa mo le taiala</p>	<ul style="list-style-type: none"> • Ua mae'a le taiala mo le faamaumauina ma le tali atu i faitioga ma faatinoina 	Vaega o Faiga Faavae
1.5 Siitia le aufaigaluega e faatino galuega manaomia e tusa ai o ma le tulafono	<p>1.5.1. Faamautu le faatulagana o le Matagaluega ma tuuina atu loa i le Kapeneta</p> <p>1.5.2. Faatino le faafaigaluegaina o le aufaigaluega fuafuaina e tusa ai ma le faatulagana o le Matagaluega</p>	<ul style="list-style-type: none"> • Faatino atoa le Faatulagana o le Matagaluega 	Vaega e Vaavaaia le Aufaigaluega
1.6. Siitia tomai tau saililiga ma faatu ni auala fou ma talafeagai mo ituaiga Faamasinoga eseese ma o latou manaomiaga	<p>1.6.1 Faatinoina ni saililiga ma iloiloga e mautu ai fautuaga mo le tapenaina o faiga faavae f.t Sailiga o finagalo o le atunuu lautele</p> <p>1.6.2 Ia faatinoina saililiga i manaomiaga tau tupe mo le tauaveina o le faamatuu ese atu o galuega lagolago mo Faamasinoga faapitoa.</p>	<ul style="list-style-type: none"> • Mae'a le sailiga i finagalo o le atunuu lautele. • Lelei ma mautu faaiuga e aanoa ma mautu pine faamau 	Vaega uma, Vaega o Faiga Faavae
1.7 Faaopoopoina le aufaigaluega e tali atu i manaomiaga ma faataunuu manaulauti tuliloaina faaletulafono	<p>1.7.1 Faamae'a ma tuuina atu le talosaga o le faatulagaga mo le Matagaluega i le Kapeneta</p> <p>1.7.2 Faafaigaluegaina tagata e pei o le faatulagaga ua tapenaina mo le Matagaluega</p>	<ul style="list-style-type: none"> • Faatino atoa le faafaigaluegaina o tagata mo tulaga na talosagaina 	Vaega o Auaunaga mo le Aufaigaluega

SINI AUTU 2: SIITIA AVANOA MO AUAUNAGA I LE FAATINOINA O LE AMIOTONU

TAIALA	GALUEGA FAATINO	FAAILOILO O TAUNUUGA	AUFAIGALUEGA
2.1. Siitia le silafia o le atunuu lautele ina ia siitia ai lo latou faatuatuaga agai le Faamasinoga ma ana galuega	2.1.1. Fausia ma faatino auala e faalauiloa ai auaunaga faafaamasinoga i aoga ma le atunuu lautele	<ul style="list-style-type: none"> • Siitia tulaga i mafutaga vavalalata ma le atunuu lautele ma faalauiloa auaunaga a le Matagaluega. • Siitia le faatuatuaga a le atunuu lautele agai i le faatinoga o galuega a le Matagaluega 	Vaega o Faiga Faavae, Vaega uma
2.2. Faalauteleina o auaunaga a le Matagaluega	2.2.1 Fausia se maota mo le faatinoina o Soalaupulega 2.2.2 Tapena mo le faatuina o le ofisa a le Matagaluega i Salelologa 2.2.3. Toe iloilo ma faaleleia le auala e faamaonia ai tagata agavaa mo le faafoeina o soalaupulega	<ul style="list-style-type: none"> • Mae'a ona fausia le maota mo le Soalaupule i le 2019 • Sauniuniga mo le faatuina o le Ofisa fou i Salelologa ua amatalia 	Vaega o le Soalaupule ma Resitala o Matai Vaega e vaaia le maota, Vaega uma
2.3. Faalautele le tufatufaina ma faalauiloaina o faamatalaga e faatatau i Faamasinoga mo le atunuu	2.3.1. Tuuina i luga o le upega tafailagi faaiuga a le Faamasinoga o Fanua ma Suafa 2.3.2. Toe iloilo ma faaauau ona faaleleia atili le itulau o faamatalaga a le Matagaluega	<ul style="list-style-type: none"> • Siitia le pasene o faaiuga a le Faamasinoga e mafai ona tuuina i luga o le SamLii • Siitia avanoa mo le atunuuu agai faamatalaga e talafeagai 	Courts Vaega o Fesootaiga Faatekonolosi, Vaega o Faiga Faavae
2.4. Toe iloilo le tau o auaunaga faafaamasinoga	2.4.1. Toe Iloilo faiga faavae ma taiala e faatatau i le Fesoasoani mo le faatupeina o Loia mo tagata molia 2.4.2. Faatino se iloiloga po o se sailiiliga i le	<ul style="list-style-type: none"> • Gafatia taulimaina e le atunuu 	Vaega o Tupe, Vaega uma.

	<i>talafeagai o tau eseese mo Faamasinoga taitasi f.t: tufaina i tua o samani mo le Faamasinoga o Fanua ma Suafa</i>		
<i>2.5. Vave ma lelei le faatinoina ma le vaavaaiga o auaunaga mo le Faamasinoga</i>	<p><i>2.5.1 Faailoa ma faamautina se faiga e faamautu ai faila ia faalelei atili ai le vaavaaiga ma le puleaina o faila</i></p> <p><i>2.5.2 faatu ma faatino se faiga e vaavaaia/pulea ai le fealuai o le faila (Taifalemau)</i></p>	<ul style="list-style-type: none"> <i>Faatino le faiga o faila</i> <i>Ua iai le faiga e vaavaaia lelei ai faamaumauga</i> 	<i>Faamasinoga</i>
<i>2.6 Siitia ma faamautuina auala o faamaumauga mo le Vaega o Faamasino faapea le Matagaluega</i>	<p><i>2.6.1. Agai i le faatinoina o le auala e telelise ai faamaumauga (digitization)</i></p> <p><i>2.6.2. Faatulaga atoa le auala/faiga e faamaumau ai faila</i></p> <p><i>2.6.3. Fausia se auala/faiga e faamaumau ai faila tuai a le Matagaluega faapea le Faamasinoga</i></p>	<ul style="list-style-type: none"> <i>Maea faatino le polokalame o le tuulaupuaina o faamaumauga e taaofai ai ma faamaumauga a le Faamasinoga o Soligatulafono ma Aitalafu</i> <i>Maea ona fausia le faiga e faasea iai famuamuga tuai.</i> 	<i>Faamaumauga, Faatekonolosi, Faamasinoga o Soligatulafono ma Fanua ma Suafa & Tuasivi</i>
<i>2.7. Faaleleia auaunaga faatekonolosi</i>	<p><i>2.7.1 Faatauina se masini uaealesi taugofie mo taavale a le matagaluega</i></p> <p><i>2.7.2. Ia faamautuinna ma faaleleia masini pueleo</i></p> <p><i>2.7.3 Fausia se fuafuaga mo le faatumauina o le lelei o masini pu'e leo</i></p> <p><i>2.7.4 Fausia ma faatumauina se fesootaiga mautu i le va o Tuasivi ma Mulinuu</i></p> <p><i>2.7.5 Faailoa talanoaga e faaaoga ai ala leo ma ala ata i le Faamasinoga ma ia tumauina</i></p>	<ul style="list-style-type: none"> <i>Siitia fesootaiga faatekonolosi</i> <i>Faamae'aina se auala o fesootaiga a Tuasivi ma Mulinuu</i> <i>Avanoa auaunagao talanoaga e faaaoga ai ala leo ma ala ata i le Faamasinoga</i> 	<i>Vaega o Auaunaga Faatekonolosi</i>

	2.7.6 Faamasani le faaaogaina o auala faatelelise I le Faamasinoga e faafaigofie ai le galuega a le Faamasinoga.	<ul style="list-style-type: none"> Sailia ma faamautu auala faatelelise i le Faamasinoga 	
--	--	---	--

SINI AUTU 3: LAGOLAGO I AUALA E FOIA AI FAIGA FAASOLITULAFONO

TAIALA	GALUEGA FAATINO	FAAILOILO O TAUNUUGA	AUFAIGALUEGA
3.1. Ia taitaia le tuufaatasiga ma le faagaioiina o le Taiala Aoo mo le puipuia mai soligatulafono	3.1.1. Faatino ma tulimataia le Taiala Aoo mo le puipuia mai soligatulafono	<ul style="list-style-type: none"> Ia talafeagai le faatinoina o le Taiala Aoo 	Lala Ma'oti o le Tulafono ma le Amiotonu
3.2. Faaleleia auunaga mo le toe fuataina o i latou ua solitulafono	3.2.1. Faamalosia le polokalae o le Toe Tomanatu	<ul style="list-style-type: none"> Faaitiitia le toe solitulafono o i latou ua faasalaina 	Vaega o Faasaoga, Faamalosiga ma Tausiga
3.3. Faamalosia tulafono tau pasi ata tifaga	3.3.1. Tuufaatasia ma faaolaola le galuega a le Komiti Faatonu o Ata Tifaga 3.3.2. Siitia le silafia e le atunuu o auunaga tau pasi ata	<ul style="list-style-type: none"> Siitia le faamalosiga ma auunaga tau pasi ata 	Vaega o Pasi Ata
3.4. Faaleleia atili le faamalosiga o faaiuga a le Faamasinoga	3.4.1. Faaleleia galuega a le Vaega o Tusi Saisai	<ul style="list-style-type: none"> Faaitiitia le aofai o tusi saisai o loo to'a ai le galueaina Mafai ona solo lelei le faamalosiga o faaiuga a le Faamasinoga 	Vaega o Tusi Saisai
3.5. Lagolago i le faalateleina o metotia ma auala mo le fesosoani a le toe fuataina o tagata solitulafono	3.5.1. Tuufaatasia le tuuina atu o polokalame talafeagai (f.t polokalame mo le ava malosia ma fualaau faasaina) mo tagata talavou ma i latou ua molia	<ul style="list-style-type: none"> Faaitiitia le toe aafia mai o sui auai i polokalame i soligatulafono 	Vaega Faanofovaavaaia

	<p>3.5.2. Faama'ite ma tuufaatasia faatalanoaga ma le SQA mo le aloaia o le faatinoga o polokalame faatino</p> <p>3.5.3. Ia aloaia ma faatino aoaoga mo faiaoga mo aufaigaluega patino</p>	<ul style="list-style-type: none"> Faatupulaia le aofai o aufaigaluega agavaa i le faatautaia o polokalame 	
3.6. Faamalosia faiga paaga ma le atunuu lautele ma paaga tau atina'e	<p>3.6.1. Faailoa paaga totino ma Iloilo o latou sootaga ma agavaa talafeagai mo auaunaga o loo ofoina atu</p> <p>3.6.2. Fausia ma faatino se taiala mo fesoataiga ia faaleleia ai faiga paaga</p> <p>3.6.3. Tapena ni feagaiga faapaaaga ma faalapotopotoga talafeagai</p> <p>3.6.4. Siitia le mafutaga ma le Lala Ma'oti i le tapenaina o fuafuaga ma auaunaga a le Matagaluega</p>	<ul style="list-style-type: none"> Faaleleia atili faiga paaga, mafutaga ma faatasiga ma paaga ma siitia numera o tagata auai 	Vaega uma

SINI AUTU 4: FAALELEIA LE PULEAINA MA LE FAATINOGA O GALUEGA A LE MATAGALUEGA

TAIALA	GALUEGA FAATINO	FAAILOILO O TAUNUUGA	AUFAIGALUEGA
4.1. Siitia tomai tau saililiga ma faatu ni auala fou ma talafeagai mo ituaiga Faamasinoga eseese ma o latou manaoga	<p>4.1.1. Faatinoina ni saililiga ma iloiloga e mautu ai fautuaga mo le tapenaina o faiga faavae f.t Sailiga o finagalo o le atunuu lautele</p> <p>4.1.2. Ia faatinoina saililiga i manaomiaga tau tupe mo le tauaveina o le faamatuu ese atu o galuega lagolago mo Faamasinoga faapitoa</p>	<ul style="list-style-type: none"> Mae'a le sailiga i finagalo o le atunuu lautele Lelei ma mautu faaiuga e aanoa ma mautu pine faamau 	Vaega uma, Vaega o Faiga Faavae
4.2. Ia tuuina atu fesoasoani	4.2.1. Fausia ma faatino se fuafuaga mo le	<ul style="list-style-type: none"> Faaopoopoina le silafia ma 	Vaega e vaaiia le


<p><i>talafeagai mo le unaia o auaunaga lelei i le aufaigaluega</i></p>	<p><i>atinaeina o tomai o le aufaigaluega</i></p> <p>4.2.2. <i>Fausia ma faalautele atili se fuafuaga mo galuega</i></p> <p>4.2.3. <i>Faama'ite, fausia ma faatino se polokalame faufautua mo le atinae</i></p> <p>4.2.4. <i>Faama'ite ma faatino se fuafuaga mo le sui tulagaina o tino matutua ma tulaga taua i le Matagaluega</i></p>	<p><i>tomai o le aufaigaluega</i></p> <ul style="list-style-type: none"> • <i>Faaitiitia faitioga agai i le aufaigaluega</i> • <i>Siitia le tulaga faamalieina o le atunuu i auaunaga a le Matagaluega</i> • <i>Siitia le faatuatuaga ma le faalagolagoina e le atunuu o le aufaigaluega</i> 	<p><i>aufaigaluega</i></p>
<p>4.3. <i>Ia faamallosia agavaa talafeagai ma le tuuina atu o aoaoga ia mafai ai ona faalauiloa suiga i auaunaga ua faatinoina</i></p>	<p>4.3.1. <i>Faatinoina se Iloiloga mo Aoaoga Moomia e le Aufaigaluega</i></p> <p>4.3.2. <i>Fausia se kalena mo le faatinoina o Aoaoga</i></p> <p>4.3.3. <i>Ia aoaoina faiaoga mo le tuuia atu o aoaoga i isi</i></p>	<ul style="list-style-type: none"> • <i>Siitia le pasene o tagata e talitonuina ma faatuatuaina le aufaigaluega a le Matagaluega</i> • <i>Siitia le agaga talitonu i le aufaigaluega i o latou tomai ma agavaa</i> 	<p><i>Vaega e vaavaaia le aufaigaluega</i></p>
<p>4.4. <i>Siitia le puleaina o le aufaigaluega</i></p>	<p>4.4.1. <i>Toe Iloilo uma avanoa faigaluega e faatatau i taiala fou a le PSC</i></p> <p>4.4.2. <i>Toe faatulaga avanoa faigaluega ae le'i faasalalauina ina ia faaosofia ai le fia talosaga mai o ni tagata toatele</i></p>		<p><i>Vaega e vaavaaia le aufaigaluega</i></p>
<p>4.5 <i>Faatumauina se siosiomaga saogalemu ma lelei e ala i le puleaina lelei o le maota</i></p>	<p>4.5.1 <i>Fausia ma fuaia se tau mo le faaleleia ma faatumauina o tulaga tau faleletaua, faaeletise ma le malu puipuia o le maota</i></p> <p>4.5.2 <i>Tapena ma faalauiloa se fuafuaga mo le tuua o le maota i taimi o faalavelave faafuasei</i></p> <p>4.5.3 <i>Faama'ite talanoaga mo le sailia o se</i></p>	<ul style="list-style-type: none"> • <i>Siitia tulaga uma i le maota mo le Matagaluega</i> 	<p><i>Vaega e pulea le maota</i></p>

	<p><i>afi faaleoleo mo le maota</i></p> <p>4.5.4 <i>Faatotoga se potu malolo faapitoa mo Faamasino</i></p> <p>4.5.5 <i>Toe faataoto se ata mo le maota e vaevaeina lelei iai le aufaigauega ata</i></p> <p>4.5.6 <i>Faaleleia tulaga tau suavai mo le ofisa i Tuasivi</i></p> <p>4.5.7 <i>Faatelē le fale 'ai mo Faamasino</i></p> <p>4.5.8 <i>Faaleleia potu taofia</i></p>		
--	--	--	--

SINI AUTU 5: LAGOLAGO I LE FAATINOGA O GALUEGA TOE FUATAI MO LE FAAMASINOGA O FANUA MA SUAFA

TAIALA	GALUEGA FAATINO	FAAILOILO O TAUNUUGA	AUFAIGALUEGA
<p>5.1 Lagolago i suiga ma galuega toe fuatai i le Faamasinoga o Fanua ma Suafa</p>	<p>5.1.1. Faafou masini pueleo o loo i le Faamasinoga</p> <p>5.1.2. Iloilo faiga faavae a le Matagaluega e faatatau i auaunaga a le Faamasinoga o Fanua ma Suafa.</p> <p>5.1.3. Tapena se polokalame faalauiloa mo le atunuu lautele, pepa e faamatala ai auaunaga a le Matagaluega ma suiga i le tulafono</p> <p>5.1.4. Fesoasoia pe taitai i le faatinoga o fonotaga/polokalame faaleaoaoga e faatatau i tulafono e toe fuatai ai galuega o le Faamasinoga o Fanua ma Suafa</p> <p>5.1.5. Faatino aoaoga e siitia ai le silafia o le aufaigaluega i suiga o loo tulai mai</p> <p>5.1.6. Faamautinoa ia iai taiala e lagolago ai le faatinoga o galuega toe fuataina.</p>	<ul style="list-style-type: none"> • Faamalieina le tagata lautele i le auaunaga a le Matagaluega e patino i le Faamasinoga o Fanua ma Suafa • Faaitiitia faitioga e agai mai i le Vaega o le Faamasinoga o Fanua ma Suafa 	<p>Faamasinoga o Fanua m Suafa</p>

FAATAAMILOSAGA O FUAFUAGA MA LE LIPOTIINA



O le a faatavale e le Matagaluega lea fuafuaga mo le fa (4) tausaga o lumanai. O se fuafuaga alu mamao faaogaina ina ia faaauau ona tulimata'i ma faamautū faatinoga, ma ia saga atina'e pea ana auaunaga ia maualuga ma lelei.

I le faatinoga la o lenei fuafuaga faataamilo, o manulauti ma fuafuaga mamao i ona tulaga maualuga e aofia ai tapenaga mo tala faatatau o tupe o le a faalagolago i faaiuga faapulega. O Vaega eseese uma o le a iai la latou pitolaau i le fuafuaina ma le tapenaina o faatatauga o tupe e auala mai i a latou fuafuaga mo faatinoga taitasi.

- **Kuata 1:** O le kuata lea o le a faamamafa ai le faatinoga i le aoina ma le iloiloaina o faamatalaga mai i le tausaga faaletupe ua tuana'i atu ma fua agai i manulauti na tuliloaina. O faaletonu ma vaivaiga o le a faailoaina ma talanoaina ina ia saili auala e foia ai le toe tulai mai i le isi tausaga faaletupe. O le a maua ai foi fautuaga talafeagai mo le faasoaina o meafaigaluega, aufaigaluega ma itu uma e ao ona faamamafa ai le vaai. O le vaitau foi lea e iloiloaina ai faatinoga a le aufaigaluega atoa ma faamautu ai le Riopoti Faaletausaga mo le palemene.
- **Kuata 2:** O le vaitau lea e ave ai le faatāua i le faamae'aina o Fuafuaga Faaletausaga a Vaega taitasi, o Pepa mo le Kapenenta, faamaoniga o talosaga mo le PSC, faapea faamaoniga o talosaga mo le tala faatatau o le tupe o le tausaga o lumanai. O le aoina o faamaumauga mo le 3 masina muamua o le a tuufaatasia ma tufatufaina mo le pulega ina ia silafia le tulaga o le Matagaluega e fua agai i sini o loo tuliloaina.
- **Kuata 3:** Ua mae'a le 6 masina muamua o le tausaga faaletupe ma ua talafeagai le iloiloaina o faatinoga e fua agai faailoilo o auaunaga. E tatau ona maua mai ai se ata o fua na faataoto po o talafeagai ae afai e leai ua tatau ona fetuunai loa mo le isi tausaga faaletupe. Ua maua mai foi le tali mai i le Matagaluega o Tupe faatatau i talosaga tau tupe. Tapena pea fuafuaga mo le lumanai ma Iloilo faatinoga a le aufaigaluega.
- **Kuata 4:** Faamautu uma tapenaga mo fuafuaga ma faatatauga o tupe mo le isi Tausaga Faaletupe o loo loma. Tāua le faanatinati ma ave le faamamafa i vaega o loo pa'ū le auaunaga faatusatusa i manulauti tuliloaina aemaise mo Vaega o loo aoina tupe mo le Matagaluega. Iloilo le faatinoga a le Matagaluega mo le 9 masina ua tuana'i. Faatino le iloiloga mo o malosiaga ma vaivaiga a Vaega taitasi ma le fuafua agai i suiga mo le faatulagaga o le aufaigaluega.

MĀTĀ'ITUINA MA ILOILOGA

O galuega e lē fuatia e lē faataunuina foi. Mo le fuaina o le faagasologa ma iloilo le lautele o le aogā o leni fuafuaga, e ao ona siitia le faatāua i auala mo le mataituina ma le iloiloina o galuega. O auala uma mo le aoina o faamatalaga ma faamaumauga e tataua ona faamautu ia faamausalī ai le gafatia e le Matagaluega ona iloilo ana faatinoga ma e tataua ona atagia i soo se vaega o le auaunaga. O lea e aofia ai ae le gata mai i:

- ✓ Iloiloga o tupe faaalu;
- ✓ Iloiloga faifaipea o sini autu tuliloaina faaletausaga e ala i iloiloga tai tolu masina mo Vaega uma;
- ✓ Ripoti faaletausaga i le palemene;
- ✓ Ia maua mai finagalo o le atunuu lautele e faatatau i auaunaga a le Matagaluega e ala i suesuega faamaumauina;
- ✓ Tuuina atu o ripoti i faatinoga a le Matagaluega i le tali atu i manaomiaga o le Lala Ma'oti o le Tulafono ma le Amiotonu ma le Taiala mo le Atina'e o Samoa;
- ✓ Iloiloga a isi Matagaluega ma faalapotopotoga a le mālō e pei o le Ofisa o le Suetusi ma le Komesina o Sulufaiga;
- ✓ Iloiloga faalotoifale ma fafo atu i galuega fuafuaina agai i le faatinoga;
- ✓ Nisi iloiloga mai paaga galulule mo le atina'e.

O le auivi o le mataituina ma le iloiloina o galuega faatino o se meafaigaluega e ese lona fatuina ina ia taiala ai le Matagaluega e mautinoa ai le ausia o taunuuga faamoemoeina a le Matagaluega e ala i faailoilo autu e faatuina. O leni fuafuaga o le a iloiloina faaletausaga ina ia mautinoa o fetuunai pea lona taotoga e fai fuafua agai fesuiaiga i le lotoifale po o fafo atu o le Matagaluega e ono lepeti ai le taunuu manuia o lavasiga a le Matagaluega.